



## Noryn Aziz bertuah

BUKAN calang-calang penyanyi diberi kesempatan beraksi atas satu pentas dengan seorang penghibur bertaraf antarabangsa seperti Anita Sarawak.

Pasti terpacu di hati rasa bimbang jika persembahan yang dipamerkan tenggelam.

Namun perasaan itu tidak ada pada Noryn Aziz, 35, pelontar lagu-lagu jazz yang mula menyanyi sejak 1995.

Noryn yang lebih selesa memakai serkop setelah menunaikan haji di tanah suci Mekah tahun lalu, yakin untuk tampil dengan persembahan pembukaan pada Minggu Setiausaha tersebut.

"Saya tidak gusar kalau ada pihak yang akan membandingkan persembahan kami kerana saya tidak menyanyi bersama Kak Nita.

"Bagi saya, biarpun berimej begini, saya tetap akan memberikan persembahan yang menghiburkan," kata Noryn.

Ditebak dengan soalan peribadi, Noryn langsung enggan mengulas tentang perkahwinannya.

"Maaf, saya tak boleh nak komen apa-apa," katanya.

Tiket-tiket untuk menyaksikan *Divas Las Vegas*, Minggu Setiausaha SACC 2011 bersama Anita Sarawak dan Noryn Aziz telah mula dijual sejak 1 Mac.

Harga tiket, untuk barisan pertama, RM550, kedua (RM490) dan ketiga (RM420), tiada persembahan makan malam.

Tiket boleh didapati melalui [www.ticketcharge.com.my](http://www.ticketcharge.com.my) atau 03-92228811.



IMEJ baru Noryn Aziz.